

## Morning Dogri (NSD) Bulletin 30-11-2025

### आकाशवाणी

- प्रधानमंत्री नरेंद्र मोदी होर अज्ज 11 बजे अपने रेडियो कार्यक्रम मन की बात राएं लोकें कन्नै अपने विचार सांझे करडन्न।
- कल शुरू होआ'रदे संसद दे स्याले आहले इजलास कोला इक रोज पैहले सरकारै अज्ज सभनें पार्टिं दी इक बैठक सदी ऐ।
- चक्रवाती तूफान दिव्वाह तमिलनाडू ते पुडुचेरी बक्खी अगडे बधै करदा ऐ, नुकसान कोला बचने लेई सब्बै एहतियाती उपाऽ करी लैते गेदे ना।
- भारत ते दक्खन अफ्रीका बश्कार इक रोजा क्रिकेट मैचें दी श्रृंखला अज्जै थमां शुरू होआ'रदी ऐ। पैहला मैच अज्ज दिनें रांची च खेडेआ जाहग।
- ते सैयद मोदी अंतरराश्ट्री बैडमिंटन चैंपियनशिप च के. श्रीनाथ ते महिला डबल्स दी भारती जोड़ी फाइनल च।



### PM-MKB

प्रधानमंत्री नरेंद्र मोदी होर अज्ज अपने रेडियो कार्यक्रम "मन की बात" दे राएं देश-बदेश च रौहने आहले श्रोताएं कन्नै अपने बचार सांझे करडन्न। अज्ज दिनें 11 बजे प्रसारित होने आहले इस कार्यक्रम दी एहू 128मीं किशत होग। एहू कार्यक्रम आकाशवाणी समाचार दी वैबसाईट [newsonairmobile](http://newsonairmobile) ऐप्प पर बी प्रसारित कीता जाग। एहूदे कन्नो-कन्नी एहू प्रोग्राम आकाशवाणी समाचार, DD News, प्रधानमंत्री हुं'दे दफतर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी जम्मू पर मन की बात दे तुरत मगरा एहूदा डोगरी भाषा च अनुवाद प्रसारत कीता जाहग।

डोगरी अनुवाद स्हाडे श्रोता अज्ज राती 8 बजे इक बारी परतियै सुनी सकदे ना। आकाशवाणी दा क्षेत्रीय समाचार एकांश जम्मू अज्जै दे मन की बात कार्यक्रम पर इक विशेष परिचर्चा रातीं साड्डे 10 बजे प्रसारत करोग जिसी तुस स्हाडे इस्से चैनल मिडीयम वेव 303 मीटर यानि 990 किलोहार्टस ते एफ.एम. 100.3 मैगाहार्टस पर सुनी सकदे हो।

<><><><><><>

## Winter Session

संगारै पैहली दिसम्बर गी शुरु होआ'रदे संसद दे स्यालै आहले इजलास कोला इक रोज पैहले- सरकारै अज्ज सबनें पार्टियें दी बैठक सद्दी दी ऐ। बैठका च संसदी मामले दे मंत्री किरें रिजिजू होर संसद दे दौनें सदनं दी बक्ख-बक्ख सियासी पार्टियें दे लीडरें कन्नै गल्लबात करगंन ते संसद दी कारवाई रमानदारी ते बवस्था आहले ढंगै सिर चलाने लेई उन्दा सहयोग मंगगन। इक सोशल मीडिया पोस्ट च किरें रिजिजू होरें विरोधी धडे दिएं पार्टियें अगो अपील कीती ऐ जे ओ दौनें सदनं दी कारवाई च सहयोग देन तां जे आम जनता ते देश दे हितै च महत्वपूर्ण फैसले ते सोच-विचार कीता जाई सकै। संगारै शुरु होआ रदा संसद दा एह स्यालै आहला इजलास 19 दिसम्बर तोड़ी चलोग।

<><><><><><>

## Announcement

संसद दा स्यालै आला इजलास जेहड़ा पैहली दिसम्बर 2025 थमां शुरु होई रदा ऐ। एदी पैहलकी संजा यानि अज्ज आकाशवाणी दा समाचार सेवा प्रभाग इक विशेष कार्यक्रम हिंदी च "संसद के समक्ष मुद्दे"ते अंग्रेजी च Issues Before Parliament प्रसारित करग।

Issues Before Parliament कार्यक्रम आकाशवाणी दे Rainbow ते बाददू मीटरें पर जिस्सलै जे "संसद के समक्ष मुद्दे" कार्यक्रम आकाशवाणी गोल्ड ते बाददू मीटरें पर अज्ज रातीं साड्डे 9 बजे कोला लेइयै 10 बजे तगर सुनेया जाई सकदा ऐ।

एह दवै कार्यक्रम साठी वैबसाईट [newsonair.gov.in](http://newsonair.gov.in) ते साहजे यू-टूयब चैनल [newsonair](http://newsonair) आफीशल पर बी उपलब्ध होडन।

<><><><><><>

### VP-Kurukshatra

उपराश्ट्रपति सी.पी राधा कृष्णन होर अज्ज हरियाणा दे कुरूक्षेत्र जांडन। इस दरान उंदा राश्ट्री प्रौद्योगिकी संस्थान एन.आई.टी कुरूक्षेत्र दे 20में दीक्षांत समारोह दी बतौर मुख परौहने अध्यक्षता करने दा बी कार्यक्रम ऐ। एहदे अलावा उपराश्ट्रपति होर गीता महोत्सव दे बाहरें आयोजित अखिल भारती देवस्थानम सम्मेलन च बी शिरकत करडन।

<><><><><><>

### Five New languages

मेटा प्लेटफार्म नै क्रियेटर्स लेई 5 नमीं भारती भाशाएं गी जोडने दी घोशणा कीती ऐ। मुम्बई च आयोजित 'House of Instagram' कार्यक्रम च दस्सेआ गेआ जे इंस्टाग्राम ते फेसबुक यूजर्स तौले गै अपनी reels दा मराठी, बंगाली, तेलगु, कन्नड ते तमिल च अनुवाद करी सकडन। हुनै तगर एह सुविधा छडी अंग्रेजी, हिंदी, स्पेनिशन ते पुर्तगाली च गै उपलब्ध ही। मेटा भारती भाशाएं लेई नमें फांट पेश करियै अपने 'एडिट्स' मोबाइल वीडियो एटिडिंग ऐप गी बी बेहतर बना करदा ऐ। इस ऐप दे एंड्रायड वर्जन च हुन देवनागरी ते बंगाली असामिया लिपिं च आकर्षक फॉट शामिल होडन, जेहडे मराठी, असमिया, बंगाली ते हिंदी गी बी सपोर्ट करडन।

<><><><><><>

### Thanland FM Visit

थाईलैंड दे विदेश मंत्री सिंहासक फुआंग केतकेओ 4 दिनें दी भारत यात्रा पर जंदी राती नमीं दिल्ली पुजे। विदेश मंत्रालय दे प्रवक्ता रणधीर जायसवाल होरें आखेआ ऐ जे एह दौरा रणनीतिक सांझेदारी ते स्थाई सरबंधें गी निगार बनाने दा मौका ऐ।

ओह अज्ज दिल्ली च कई सारे अधिकारिक कार्यक्रमें च हिस्सा लैडन। फुआंग केतकेओ होर कल हैदराबाद दाउस च विदेश मंत्री उॉ. जयशंकर हुंदे कन्नै मलाटी करडन। दौनें मुल्ले बशकार राजनयिक सरबंध 1947 च स्थापित होए हे ते 2022 च दौनें धड़े अपने राजनयिक सरबंधें दी 75मीं ब'रेगंड मनाई ही।

<><><><><><>

### Cyclone-Ditwah

दक्खन पच्छिम बंगाल दी खाड़ी ते ओदे'नै लगदे उत्तरी श्रीलंका ते तमिलनाडू दे समुंद्री कंडूँ पर बने दे चक्रवाती तूफान दित्वा दी रफ्तार पिछले 6एं घैंटे च बड़ी मट्टी होई गई ऐ। 5 किलोमीटर प्रति घैंटे दी रफ्तार कन्नै एह तूफान उसै इलाके च केंद्रित ऐ। कराईकल थमां 91 किलोमीटर दक्खन पूर्व, पुडुचेरी थमां 160 किलोमीटर ते चेन्नई थमां 260 किलोमीटर दक्खन च स्थापित ऐ। एहदे अगले 24 घैंटे दरान उत्तरी तमिलनाडू, पुडुचेरी ते ओदे'नै लगदे आंध्र प्रदेश दे समुंदरी कंडूँ आली बक्खी बधने दे असार न।

<><><><><><>

### Ukraine-Russia Drone

यूक्रेनी नौसेना दे ड्रोन नैकाला सागर इलाके च 2 रूसी तेल टैंकरें पर हमला कीता। मीडिया रिपोर्टें मुजब कैरोस ते विराट नां दे एह दवे टैंकर खाली हे ते रूस दे इक प्रमुख तेल टर्मिनल नोवोरोस्सियस्क आहली बक्खी जा करदे हे।

एह हमले रूसी तेल सप्लाई गी नशाना बनाइयै कीते गे हे जेडे रूस लेई कमाई दा इक प्रमुख जरिया न।

<><><><><><>

### Cricket

भारत ते दक्खन अफ्रीका बशकार त्रै इक रोजा क्रिकेट मैचें दी श्रृंखला दा पैहला मैच अज्ज रांची च खेडेआ जाहग। मैच दिनें डेढ बजे शुरू होग।

हाल च टैस्ट श्रृंखला च शर्मनाक प्रदर्शन दे बाद भारत इक रोजा मैच च अपनी साख बचाने लेई अपनी पूरी कोशिश करग कीजे क्रिकेट भारत दा सभनें शा लोकप्रिय खेड ऐ ते एह्दे च भारत नै दुनिया च इक बक्खरी पंछान बी बनाई दी ऐ ते हाल दी टैस्ट सीरीज च दक्खन अफ्रीका कोला जबरदस्त मार खाने दे बाद मायूस होए दे भारती क्रिकेट प्रेमिएं गी बी इक रोजा श्रृंखला च अपनी टीम कोला बेहतर प्रदर्शन दी हीखी लाई दी ऐ।

<><><><><><>

### Badminton

लखनऊ च सैय्यद मोदी अंतरराश्ट्री बैडमिंटन प्रतियोगिता च भारत अज्ज 2 फाइनल मुकाबले खेडूग। मर्दे दे सिंगल्स दे फाइनल च किदांबी श्रीकांत दा मुकाबला हांगकांग दे जेसन गुनावन कन्नै होग। एह् मैच दपैही मगरा 3 बज्जियै 20एं मिनटें पर शुरू होग। दुई बक्खी महिलाएं दे डबल्स दे फाइनल च त्रिसा जॉली ते गायत्री गोपीचंद दी जोड़भू दा सामना जपान दी काइो आसावा ते मेई तनाबे दी जोड़ी कन्नै होग। एह् मैच अज्ज दपैहरी ढाई बजे थमां शुरू होग।

<><><><><><>

### Junior-Hockey

मर्दे दी जूनियर विश्वकप हाँकी च जंदी रातीं चेन्नई च भारत नै पूल बी दे इक मैच च ओमान गी 17-0 कन्नै हराया। दिलराज सिंह नै 4, मनमीत सिंह ते अर्षदीप सिंहनै 3-3 गोल कीते। अजीत यादव ते गुरजोग सिंह नै अपनी टीम लेई 2-2 गोल दा योगदान दित्ता। जिसलै जे इंगलेम्बा बालूवाग, अनमोल इक्का ते शारदानंद तिवारी नै इक-इक गोल कीता।

<><><><><><>